

Møteprotokoll

Formannskapet

Møtedato: 05.02.2026

Møtetid:

10:00 - 16:00

Møtestad: Ordførar sitt kontor

Saksnr.:

001/26 – 016/26

Følgjande medleamar møtte	Parti
Aud Marit Berge Feidje	AP
Eivind Sverre Lidal	SP
Hild Berglund	AP
Marta Sofie Vange	H
Roy Egil Stadheim	AP

Forfall meldt frå følgjande medl.	Parti
Rune Lunde	AP

Følgjande varamedl. møtte	Parti
Hild Berglund	AP

Ugilde	Parti	Sak	Følgjande varamedl. Møtte	Parti

Møteleiar:	Ordførar Roy Egil Stadheim
Frå adm. møtte:	Kommunedirektør Siri Fahlvik Pettersen
Dokument utlevert i møte:	
Synfaring:	
Merknader:	



Sakliste

Sak nr.	Saktittel
001/26	Godkjenning av innkalling og sakliste samt val av representantar til å godkjenne møteboka
002/26	Referatsaker
003/26	Delegasjonsaker
004/26	Orienteringssaker til formannskapet 05.02.25
005/26	KS debattheft 2026 - tid for taktskifte
006/26	Vik kommune si høyringsuttale til konsesjonssøknadane frå Statnett, Sygnir og Statkraft for kraftleidningstiltak i Vik kommune
007/26	Kommuneplanen sin samfunnsdel 2026-2037 blir lagt ut på høyring og offentleg ettersyn
008/26	Fritak eigedomsskatt etter egedomsskattelova § 7 a-b for 2026
009/26	Regionsamarbeid - søknad om deltaking i Vest brann- og redningsregion KO
010/26	Rekruttering ny kommunedirektør - prosess og oppnemning av innstillingsutval
011/26	Feidje vassverk
012/26	Kristianhus - framtidig bruk og utvikling
013/26	Mottak av flyktningar 2026 – går ut og vert erstatta av sak 016/26
014/26	Handsaming av klage på avslag knytt til startlån – ikkje offentleg
015/26	Open post i formannskapet
016/26	Mottak av flyktningar 2026



001/26: Godkjenning av innkalling og sakliste samt val av representantar til å godkjenne møteboka

Innkalling og sakliste vert godkjent slik dei ligg føre. Desse representantane vart valde til å godkjenne møteboka (i tillegg til ordføraren):

05.02.2026 Formannskapet

Ordførar orienterte at sak 006/26 vert flytta til etter sak 011/26.

Marta Sofie Vange (H) - savnar sak om takteking på Notestova.

FS - 001/26 Vedtak:

Innkalling og sakliste vert godkjent slik dei ligg føre. Desse representantane vart valde til å godkjenne møteboka (i tillegg til ordføraren): Aud Marit Berge Feidje (AP) og Eivind Lidal (SP).

Samrøystes.

002/26: Referatsaker

Meldingane vert tekne til orientering slik dei ligg føre.

05.02.2026 Formannskapet

Det var ingen referatsaker i møtet.

FS - 002/26 Vedtak:

Meldingane vert tekne til orientering slik dei ligg føre.

Samrøystes.

003/26: Delegasjonsaker

Delegerte saker vert tekne til orientering slik dei ligg føre.

05.02.2026 Formannskapet

Sak 154/25 - Fjordavegen 2309 - søknad om igangsettingsløyve gbnr 64/5 Firda Settefisk Arnafjord AS:



Ordførar orienterte om at anlegget har investert for 100 millionar. Ordførar ynskjer å besøka Firda Settefisk Arnafjord AS for å følgje med på utviklinga og utbygginga av settefiskanlegget.

FS - 003/26 Vedtak:

Delegerte saker vert tekne til orientering slik dei ligg føre.

Samrøystes.

004/26: Orienteringssaker til formannskapet 05.02.25

Kommunedirektøren si tilråding

Formannskapet tek orienteringane til vitande.

05.02.2026 Formannskapet

Rådgjever Ole Petter Ramberg orienterte om status etter uveret Jakob og hastetiltak i Tenoldselvi.

Ordførar orienterte om

- Reise til Brussel om EU og EØS avtale med kommunedirektørar og ordførarar i heile landet.
- Besøk frå Hordalandsbenken (AP) Fengsel, politi, einslege mindreårige bustad - stortingspolitikarane June Trengereid Gruer i justiskomiteen og Kjetil Jakobsen i kulturkomiteen vart invitert for å sjå på fengsel, politi og bustad til einslege mindreårige i Vik kommune. Det vart teke opp mange viktige tema. Samfunnstryggleik og beredskap, finansieringordningar for einslege mindreårige, politiberedskapen i Vik og samlokalisering av politi og fengsel (nytt prosjekt).
- Møte med samferdsledepartementet i høve betre ferjefrekvensar tilpassa dagens behov - Ordførar skal ha eit møte med statssekreter i samferdsledepartementet Jakob Våren 10.02.26.
- Sogn IPR - orienteringar om status i regionen. Stor sak i høve vedtak om nedlegging av Lærdal sjukehus, ortopediavdelinga der 40 arbeidsplassar fell bort. I kjølevatnet av dette vedtaket kjem det ei fellesutgreiing om kommunane Årdal, Lærdal, Aurland og Vik skal bytte helseforetak.
- Ordførar orienterte om innspel frå foreldre som har ungar på Voss vidaregåande skule - korrespondansen på bussruter til og frå Voss må bli betre. Ordførar vil følgje opp og jobbe vidare med å få betre rutetilbod. Vik kommune har allereie spelt dette inn i brev til Skyss/Vestland fylkeskommune.

Kommunedirektøren orienterte om:

- Vik kommune er påmeldt til læringsnettverket økonomi
- Prosjekt i regi Husbanken/KS/Statsforvaltar tilrår ikkje deltaking frå Vik kommune



- Sogn KO
- Tilbakemelding etter møte med Vik Næringssamskipnad - Samd om å styrke samarbeid
- Besøk på Tine Meierier - 23.02.26

FS - 004/26 Vedtak:

Formannskapet tek orienteringane til vitande.

Samrøystes.

005/26: KS debatthefte 2026 - tid for taktskifte**Kommunedirektøren si tilråding**

Vik kommune sendar følgjande innspel til KS:

Spørsmål 1:

For å auke endringstakta for berekraftig velferd vil det vera viktig å kombinera strategisk styring og praktiske tiltak, gjennom å:

- auke bruken av digitale løysingar, robot og KI teknologi som vil effektivisera tenestene og frigjera tid til kjerneoppgåvene
- prioritere etter- og vidareutdanning for å møte kommunen sine behov i alle tenester og spesielt ved omstilling
- styrke samarbeidet mellom kommunen, næringslivet og frivilligheit for å dela ressursar og kompetanse
- utvikle kultur for kontinuerleg forbetring og handtera omstilling
- få fleire til å ønskje og arbeide i heile stillingar, og nytta arbeidskraftreserven fullt ut som ligg i å inkludere eldre arbeidstakarar
- inkludere den lokale arbeidskraftressursen som står utanfor arbeidslivet
- leggje til rette for at arbeidsutprøving av unge bør ha lengre lengd for å sikre meistring til å kome attende i jobb
- ta i bruk andre ressursar og kompetanse som ligg utanfor kommunen sin kjernekompetanse

Spørsmål 2:

For å kunne ta i bruk eksisterande arbeidskraftsressursar vil det vera viktig å:

- vurdere oppgåvedeling og digitalisering for å frigjera tid til kjerneoppgåver til liks med Tørn prosjektet for helse- og omsorgssektoren
- nytte ressursene på tvers i organisasjonen i større grad enn i dag
- utvikle ein kultur for å lukkast med nødvendig omstilling
- sjå på korleis Vik kommune kan nytta det regionale samarbeidet til å få større fagmiljø og styrke tenestetilbodet



- nyttiggjera ulike arbeidstidsordningar
- stimulere for at tilsette skal stå lenger i jobb
- utvikle kultur for å stimulera til å vera ein god opplæringsbedrift ved å ta i mot fleire lærlingar og studentar

Spørsmål 3:

For å styrke beredskapsevna vil Vik kommune prioritera å:

- kartleggje tilsette med tenesteplikt, og lage planar for dei som vert teken ut av den kommunale tenesta i ein krigssituasjon
- styrke samarbeidet med andre beredskapsaktørar, både næringsliv, interkommunalt samarbeid i Sogn og utvikle ein organisasjon som støttar opp under Totalberedskapsmeldinga
- styrke regionalt samarbeid om beredskap, kriseleiing og øvingar
- jobbe for at lokalsamfunnet vert meir robust for å meistre større og uønska hendingar
- redusere sårbarheit og auka digital tryggleik og infrastruktur
- arbeida for å oppretthalde politiberedskapen i Vik kommune sidan kommunen er sårbar når kritisk infrastruktur vert råka. Med stengt fjellovergang og svikt i ferjesamband er kommunen heilt isolert.
- sjå på forsyningstryggleik og transportberedskap på grunn av den geopolitiske situasjonen og uroa i verda

05.02.2026 Formannskapet

Personalsjef Tordis-Kristin Tobiassen deltok i møtet.

Votering nr 1 - Votering over forslag

Forslag: **Opprinnelig forslag**

For: 5 stemmer (100%) - AP 3, H 1, SP 1

Mot: 0 stemmer (0%)

FS - 005/26 Vedtak:

Formannskapet legg saka fram for kommunestyret med følgjande framlegg til vedtak:

Vik kommune sendar følgjande innspel til KS:

Spørsmål 1:

For å auke endringstakta for berekraftig velferd vil det vera viktig å kombinera strategisk styring og praktiske tiltak, gjennom å:

- auke bruken av digitale løysingar, robot og KI teknologi som vil effektivisera tenestene og frigjera tid til kjerneoppgåvene
- prioritere etter- og vidareutdanning for å møte kommunen sine behov i alle tenester og spesielt ved omstilling





- styrke samarbeidet mellom kommunen, næringslivet og frivillighet for å dela ressursar og kompetanse
- utvikle kultur for kontinuerleg forbetring og handtera omstilling
- få fleire til å ønskje og arbeide i heile stillingar, og nytta arbeidskraftreserven fullt ut som ligg i å inkludere eldre arbeidstakarar
- inkludere den lokale arbeidskraftressursen som står utanfor arbeidslivet
- leggje til rette for at arbeidsutprøving av unge bør ha lengre lengd for å sikre meistring til å kome attende i jobb
- ta i bruk andre ressursar og kompetanse som ligg utanfor kommunen sin kjernekompetanse

Spørsmål 2:

For å kunne ta i bruk eksisterande arbeidskraftsressursar vil det vera viktig å:

- vurdere oppgåvedeling og digitalisering for å frigjera tid til kjerneoppgåver til liks med Tørn prosjektet for helse- og omsorgssektoren
- nytte ressursene på tvers i organisasjonen i større grad enn i dag
- utvikle ein kultur for å lukkast med nødvendig omstilling
- sjå på korleis Vik kommune kan nytta det regionale samarbeidet til å få større fagmiljø og styrke tenestetilbodet
- nyttiggjera ulike arbeidstidsordningar
- stimulere for at tilsette skal stå lenger i jobb
- utvikle kultur for å stimulera til å vera ein god opplæringsbedrift ved å ta i mot fleire lærlingar og studentar

Spørsmål 3:

For å styrke beredskapsevna vil Vik kommune prioritera å:

- kartleggje tilsette med tenesteplikt, og lage planar for dei som vert teken ut av den kommunale tenesta i ein krigssituasjon
- styrke samarbeidet med andre beredskapsaktørar, både næringsliv, interkommunalt samarbeid i Sogn og utvikle ein organisasjon som støttar opp under Totalberedskapsmeldinga
- styrke regionalt samarbeid om beredskap, kriseleing og øvingar
- jobbe for at lokalsamfunnet vert meir robust for å meistre større og uønska hendingar
- redusere sårbarheit og auka digital tryggleik og infrastruktur
- arbeida for å oppretthalde politiberedskapen i Vik kommune sidan kommunen er sårbar når kritisk infrastruktur vert råka. Med stengt fjellovergang og svikt i ferjesamband er kommunen heilt isolert.
- sjå på forsyningstryggleik og transportberedskap på grunn av den geopolitiske situasjonen og uroa i verda

Samrøystes.



006/26: Vik kommune si høyringsuttale til konsesjonssøknadane frå Statnett, Sygnir og Statkraft for kraftleidningstiltak i Vik kommune

Kommunedirektøren si tilråding

Kommunestyret sluttar seg til høyringsuttalen til konsesjonssøknadane frå Statnett, Sygnir og Statkraft for kraftleidningstiltak i Vik kommune, som kommuneadministrasjonen sendte til NVE innan fristen 7. januar.

05.02.2026 Formannskapet

- Areal- og samfunnsplanleggjar Karen Weichert deltok i møtet.
- Aud Marit Berge Feidje (AP) vart i kommunestyret sak 063/25 kjent ugild etter forvaltningslova §6 då ho er vara i styret til Sognekraft. Aleksander Valsvik (AP) tredde inn som vara.
- Marta Sofie Vange (H) vart i kommunestyret sak 063/25 kjent ugild etter forvaltningslova §6 då ho er grunneigar.

Votering nr 4 - **Votering over forslag**

Forslag: **Høyringsuttale - Roy Egil Stadheim (AP)**

Spissa innhaldet med det som er merka raudt.

For: 4 stemmer (100%) - AP 3, SP 1

Mot: 0 stemmer (0%)

Votering nr 3 - **Votering over forslag**

Forslag: **Ta vekk setning under generell kommentar - Roy Egil Stadheim (AP)**

Ta vekk setning “Folketalsutviklinga peikar nedover, og enkelte delar av kommunen nærmar seg eit kritisk nivå. I grunnkretsen Ovrisdalen har folketalet, ifølgje SSB, sidan 1999 gått ned med nesten 40 %.”

For: 4 stemmer (100%) - AP 3, SP 1

Mot: 0 stemmer (0%)

Votering nr 2 - **Votering over forslag**

Forslag: **Avbøtande tiltak - Eivind Sverre Lidal (SP)**

Det vert sett som vilkår:

- Oppgradering av bruløysingane vert gjort permanent.
- Utbetring og asfaltering av den kommunale vegen i Ovrisherget, slik at den kan vere ein omkøyringsveg i anleggsperioden når ein utbetrar fylkesvegen ut til Refsdal.
- Administrasjonen får i oppdrag og innarbeide desse punkta i høyringsuttalen.



For: 4 stemmer (100%) - AP 3, SP 1

Mot: 0 stemmer (0%)

Votering nr 1 - Voting over forslag
Forslag: **Opprinnelig forslag**

For: 0 stemmer (0%)

Mot: 4 stemmer (100%) - AP 3, SP 1

FS - 006/26 Vedtak:

Formannskapet legg saka fram for kommunestyret med vedtekne endringar og tillegg til kommunedirektøren sitt framlegg til uttale. Endringane om avbøtande tiltak vert lagt inn som eige avsnitt.

Avbøtande tiltak - det vert sett som vilkår:

- Oppgradering av bruløysingane vert gjort permanent.
- Utbetring og asfaltering av den kommunale vegen i Ovrisherget, slik at den kan vere ein omkøyringsveg i anleggsperioden når ein utbetrar fylkesvegen ut til Refsdal.
- Administrasjonen får i oppdrag og innarbeide desse punkta i høyringsuttalen.

Ta vekk setning “Folketalsutviklinga peikar nedover, og enkelte delar av kommunen nærmar seg eit kritisk nivå. I grunnkretsen Ovrisdalen har folketalet, ifølgje SSB, sidan 1999 gått ned med nesten 40 %.”

Spissa innhaldet med det som er merka raudt. Desse setningane i høyringsuttalen har tekst som er merka med raudt i vedlegg til saka. **(feit skrift i vedtaket)**

- Der 420 kV-linja kryssar dalen mellom mastene M20 og M15 ønskjer Vik kommune at linjeføringa blir justert **sørover**, for å unngå at linja går rett over det regulerte området for massedeponi på Hesjasletta.
- **Når det gjeld 300 kV-linja krev kommunen at denne blir riven.**
- **Resten av 300 kV-linja må rivast.**
- Den gamle 300 kV-leidninga i dalen **må** rivast.

Samrøystes.

007/26: Kommuneplanen sin samfunnsdel 2026-2037 blir lagt ut på høyring og offentlig ettersyn

Kommunedirektøren si tilråding



Framlegg til ny samfunnsdel til kommuneplan for Vik kommune 2026-2037 blir lagt ut til høyring og offentlig ettersyn i samsvar med pbl. § 11-14.

05.02.2026 Formannskapet

Areal- og samfunnsplanleggjar Karen Weichert og tenesteleiar Mats Sæterlid deltok under møtet.

Votering nr 1 - Votering over forslag

Kommunedirektøren si tilråding: 0 stemmer (0%)

Sak vert sendt attende til administrasjonen - Roy Egil Stadheim (AP): 5 stemmer (100%)

- AP 3, H 1, SP 1

FS - 007/26 Vedtak:

Formannskapet legg saka fram for kommunestyret med følgjande framlegg til vedtak:

Planen vert send attende til administrasjonen, med punkt på kva planen bør innehalde. Det vert oppretta ein politikardag for kommunestyret der kommuneplanen sin samfunnsdel er einaste sak.

Punkt:

- Den politiske medverknaden har vore for svak før planen no er foreslått lagt ut på høyring
- Samfunnsdelen er kommunen sitt viktigaste strategiske styringsdokument. Han skal vise dei lange linjene, gjere prioriteringar, og gi retning for økonomiplan, sektorar og framtidige politiske val.
- Mange av dei viktigaste spørsmåla i planen er politisk ladde, til dømes:
- Kva som faktisk skal prioriterast når handlingsrommet i kommuneøkonomien blir mindre
- Korleis vi veg klima, natur, næringsutvikling og bustadbehov mot kvarandre
- Kva ambisjonsnivå kommunen realistisk skal ha dei neste åra
- Arealstrategi
- Ekstra runde med politisk medverknad gjennom politiske arbeidsgrupper og arbeidsverkstader for heile kommunestyret. Får diskutert delmål, strategiar og målkonflikar. Samfunndelen er politikaren sitt dokument – det er me som legg den ut på høyring.
- Til dette arbeidet treng me rapporten om høyringsinnspela.

Administrasjonen treng også tida sjølv til å utbetre manglar og direkte feil:

- Beskrivelsen av kommunen der industri og tenesteytande næring ikkje er nemd, men mykje om skog. (Næringsliv og sysselsetting)
- Aktiviteten til Vik Idrettslag spesielt
- «Inntektene av konsesjonskrafta går til næringsutvikling»



- Svarar ikkje på planprogrammet når det gjeld kva planar som tas vekk, kva planar som skal samordnast og kva planar som skal prioriterast i perioden 2026-2030.
- Minner om representant Melheim sitt endringsframlegg 25. september 2024 på Cruisebåten Aida: «Kommunestyret ynskjer ei orientering i kommunestyret med oversikt over kva planar Vik har i dag, status og planar for revisjon, eventuell samanslåing og avslutning av desse planane».

Samrøystes.

008/26: Fritak eigedomsskatt etter egedomsskattelova § 7 a-b for 2026

Kommunedirektøren si tilråding

Formannskapet legg saka fram for kommunestyret med følgjande framlegg til vedtak:

Med heimel i eigedomsskattelova § 7 a- b får eigedommane på vedlagte liste fritak for eigedomsskatt for 2026. Vik kommunestyre vil, etter søknad, vurdere fritak etter § 7 b) for bygningar som i høve Vik kommune sin kulturminneplan kapittel 4.4 har historisk verdi.

05.02.2026 Formannskapet

Votering nr 1 - Votering over forslag

Forslag: **Opprinnelig forslag**

For: 5 stemmer (100%) - AP 3, H 1, SP 1

Mot: 0 stemmer (0%)

FS - 008/26 Vedtak:

Formannskapet legg saka fram for kommunestyret med følgjande framlegg til vedtak:

Med heimel i eigedomsskattelova § 7 a- b får eigedommane på vedlagte liste fritak for eigedomsskatt for 2026. Vik kommunestyre vil, etter søknad, vurdere fritak etter § 7 b) for bygningar som i høve Vik kommune sin kulturminneplan kapittel 4.4 har historisk verdi.

Samrøystes.

009/26: Regionsamarbeid - søknad om deltaking i Vest brann- og redningsregion KO

Kommunedirektøren si tilråding:



1. Vik kommune søker om deltaking i Vest brann- og redningsregion KO.
2. Detaking er under føresetnad av at dei andre eigarkommunane i Sogn brann og redning IKS óg søker om deltaking.

05.02.2026 Formannskapet

FS - 009/26 Vedtak:

Formannskapet legg saka fram for kommunestyret med følgjande framlegg til vedtak:

1. Vik kommune søker om deltaking i Vest brann- og redningsregion KO.
2. Detaking er under føresetnad av at dei andre eigarkommunane i Sogn brann og redning IKS óg søker om deltaking.

Samrøystes.

010/26: Rekruttering ny kommunedirektør - prosess og oppnemning av innstillingsutval

Kommunedirektøren si tilråding:

1. Stilling som ny kommunedirektør vert lyst ut offentleg.
2. Kommunestyret oppretter innstillingsutval som får i oppgåve å velja rekrutteringsselskap, gjennomføra intervju og tilrå kandidat til stillinga jf. kommunelova § 5-7.
3. Kommunestyret vedtek at innstillingsutvalet skal ha følgjande oppgåver:
 - a. gjennomføra den praktiske delen av tilsettingsprosessen: godkjenna utlysningstekst, velje ut kandidatar til intervju, gjennomføra intervju og innstilla kvalifisert kandidat til kommunestyret.
 - b. Framforhandla avtale om løns- og tilsettingssvilkår til kommunestyrets godkjenning.
 - c. Innstillingsutvalet nyttar ekstern konsulentbistand innafor ei ramme oppad til kr 300.000. Kostnadene vert dekkja over disposisjonsfondet.
4. Innstillingsutvalet har følgjande medlemmer. I tillegg kjem ein hovudtillitsvald som fagforeiningane sjølv peikar ut.
 -
 -
 -
5. Leiar av innstillingsutvalet er ordførar



05.02.2026 Formannskapet

Ordfører gjorde framlegg om følgjande medlemmer til innstillingsutvalet:

- Ordfører
- Varaordfører
- Ein representant i Senterpartiet

FS - 010/26 Vedtak:

Formannskapet legg saka fram for kommunestyret med følgjande framlegg til vedtak:

1. Stilling som ny kommunedirektør vert lyst ut offentlig.
2. Kommunestyret oppretter innstillingsutval som får i oppgåve å velja rekrutteringsselskap, gjennomføra intervju og tilrå kandidat til stillinga jf. kommunelova § 5-7.
3. Kommunestyret vedtek at innstillingsutvalet skal ha følgjande oppgåver:
 - a. gjennomføra den praktiske delen av tilsettingsprosessen: godkjenna utlysningstekst, velje ut kandidatar til intervju, gjennomføra intervju og innstilla kvalifisert kandidat til kommunestyret.
 - b. Framforhandla avtale om løns- og tilsettingssvilkår til kommunestyrets godkjenning.
 - c. Innstillingsutvalet nyttar ekstern konsulentbistand innafor ei ramme oppad til kr 300.000. Kostnadene vert dekkja over disposisjonsfondet.
4. Innstillingsutvalet har følgjande medlemmer. I tillegg kjem ein hovudtillitsvald som fagforeiningane sjølv peikar ut.
 - Ordfører
 - Varaordfører
 - Ein representant i Senterpartiet
5. Leiar av innstillingsutvalet er ordfører

Samrøystes.

011/26: Feidje vassverk

Kommunedirektøren si tilråding

Saka vert lagt fram for kommunestyret med fylgjande tilrådning:

1. Vik kommune tek ikkje over Feidje vassverk.



2. Kommunedirektøren får i oppdrag å greia ut moglegheita for at Feios kyrkje og Feios skule og barnehage vert kopla til Rinde vassverk.

05.02.2026 Formannskapet

Aud Marit Berge Feidje (AP) stilte spørsmål om ho er ugild i saka, då ho bur i området og var tidlegare abonnent hjå Feidje vassverk. Aud Marit Berge Fedje har no privat vassverk og er kobla frå. Dersom Feidje vassverk vert kommunalt må mest sannsynleg garden Berge Feidje bur på bli abonnent på det kommunale vassverket. Saka får dermed konsekvenser for Berge Feidje. Formannskapet stemte Feidje samrøystes ugild etter forvaltningslova §6. Aleksander Valsvik (AP) tredde inn som vara.

Votering nr 1 - Votering over forslag
Forslag: **Opprinnelig forslag**

For: 5 stemmer (100%) - AP 3, H 1, SP 1

Mot: 0 stemmer (0%)

FS - 011/26 Vedtak:

Saka vert lagt fram for kommunestyret med fylgjande tilråding:

1. Vik kommune tek ikkje over Feidje vassverk.
2. Kommunedirektøren får i oppdrag å greia ut moglegheita for at Feios kyrkje og Feios skule og barnehage vert kopla til Rinde vassverk.

Samrøystes.

012/26: Kristianhus - framtidig bruk og utvikling

Kommunedirektøren si tilråding

1. Kristianhus skal utviklast til eit attraktivt og fleksibelt reiselivs- og opplevingssenter som støttar opp om Vik kommune si satsing på reiseliv som vekstområde.
2. Kommunedirektøren set ned ei administrativ arbeidsgruppe som skal utarbeide ein plan for framtidig bruk av bygget og avklare investeringsbehov.
3. Arbeidsgruppa si utgreiing skal leggjast fram som eiga sak til politisk handsaming.
4. Leigeavtalen med stiftinga Kristian Otterskreds Motorsamling vert sagt opp og ikkje fornya i dagens form.
5. Stiftinga får tilbod om ein leigeavtale for eit avgrensa areal i bygget med plass til omlag 4-5 motorar, som kan være eit blikkfang for resten av samlinga lokalisert ein annan plass.



05.02.2026 Formannskapet

Rådgjevar Ole Petter Ramberg deltok på møtet.

Votering nr 1 - Votering over forslag

Kommunedirektøren si tilråding: 0 stemmer (0%)

Kristianhus - Aud Marit Berge Feidje (AP): 5 stemmer (100%) - AP 3, H 1, SP 1

FS - 012/26 Vedtak:

Formannskapet legg saka fram for kommunestyret med følgjande framlegg til vedtak:

1. Kristianhus skal utviklast til eit attraktivt og fleksibelt reiselivs- og opplevingssenter som støttar opp om Vik kommune si satsing på reiseliv som vekstområde.
2. Kommunedirektøren set ned ei administrativ arbeidsgruppe som skal utarbeide ein plan for framtidig bruk av bygget og avklare investeringsbehov.
3. Arbeidsgruppa si utgreiing skal leggjast fram som eiga sak til politisk handsaming. Arbeidsgruppa sine utgreiingar skal jamleg leggjast fram for formannskapet.
4. Leigeavtalen med stiftinga Kristian Otterskreds Motorsamling vert ikkje fornya i dagens form.
5. Stiftinga får tilbod om ein leigeavtale for eit avgrensa areal i bygget.

Samrøystes.

013/26: Mottak av flyktningar 2026**Kommunedirektøren si tilråding**

Vik kommune tek i mot 18 flyktningar i 2026, der 1 av dei 18 plassane vert nytta til busetting av einsleg mindreårig under 15 år, utan følgeperson.

05.02.2026 Formannskapet**FS - 013/26 Vedtak:**

Sak 013/26 mottak av flyktningar 2026 er tatt ut, og erstatta med sak 016/26.

015/26: Open post i formannskapet

Kommunedirektøren si tilråding

Saka blir lagt fram utan tilråding.

05.02.2026 Formannskapet

Det var ingen saker i open post.

FS - 015/26 Vedtak:

Saka blir lagt fram utan tilråding.

016/26: Mottak av flyktningar 2026**Kommunedirektøren si tilråding**

Vik kommune tek i mot 18 flyktningar i 2026, der 1 av dei 18 plassane vert nytta til busetting av einsleg mindreårig under 15 år, utan følgeperson.

05.02.2026 Formannskapet

Kommunalsjef Hildegard Valland og assisterande kommunedirektør Geir Svendsen deltok i møtet.

Votering nr 1 - Votering over forslag

Forslag: **Opprinnelig forslag**

For: 5 stemmer (100%) - AP 3, H 1, SP 1

Mot: 0 stemmer (0%)

FS - 016/26 Vedtak:

Formannskapet legg saka fram for kommunestyret med følgjande framlegg til vedtak:

Vik kommune tek i mot 18 flyktningar i 2026, der 1 av dei 18 plassane vert nytta til busetting av einsleg mindreårig under 15 år, utan følgeperson.

Samrøystes.

